

江夏縣志卷之五

武昌府江夏縣知縣陳元京纂修

古蹟 邱墓附

江夏之古蹟多矣而黃鶴白雲極全楚大觀樓二層窮千里目登最上樓山川之勝實甲乎天下唐崔灑詩所謂晴川歷歷芳草萋萋者也其他一邱一壑爲閣爲亭或仙釋之所寄或賢達之所經因名核實嗜古尋幽者不遺焉士產茲土得山川之秀氣見於事業文章其邱隴尚存者亦攷載以誌不忘趙文子與

江夏縣志

卷之十五

古蹟

叔譽觀乎九原所由動吾誰與歸之想也作古蹟志黃鶴樓在黃鶴山南齊書仙人王子安乘黃鶴過此又世傳費文偉登仙駕黃鶴憇此報恩錄載鄂辛氏市酒山頭有道士數詣飲辛不計酬道士臨別取橘皮畫鶴於壁曰客至拍手引之鶴當飛舞以侑觴遂致富踰十年道士復至取所佩鐵笛吹數弄須臾白雲自空飛來鶴亦下舞道士飄然乘鶴去辛氏卽其地建樓曰辛氏樓唐閻伯理作郢記以文偉事爲信或又引梁任昉記謂駕鶴者乃荀瓌字叔禕所遇虹裳羽衣客非文偉也

按述異記叔禕憇樓上西望有物飄然降自雲端乃駕鶴之賓也賓主歡對辭去跨鶴騰空渺然煙滅後人誤爲文禕也宋張栻亦辨其非按宋陸游記當時樓已廢故址亦不復存問之老吏云在石鏡亭南樓之閒未知何年復建嘉靖末火隆慶五年都御史劉憇重建汪道昆爲之記崇貞癸未燬於賊

國朝順治中御史上官鉅重建康熙三年火總督張長庚巡撫劉兆麟重建布政劉顯貴監造甲申總督喻成龍巡撫劉殿衡修壬寅總督滿丕巡撫張連登修布政張

江夏縣志

卷之十五

古蹟

二

聖弼督修乾隆 年

御書江漢仙蹤題額

南樓在黃鵠山頂宋元祐中知州方澤重建自爲記建中靖國初再修乾道初重建嘉定中又修元世祖又修貞元中又修陸游記樓在郡儀門之南石城上制度閎偉登望尤勝鄂州樓觀甚多而此獨得江山之要黃山谷謂江東湖北行畫圖鄂州南樓天下無卽此世謂庾亮所登者誤庾樓自在武昌縣明崇貞九年巡撫宋賢卽其址建白雲閣後巡撫宋一鶴移補閱兵樓閣遂廢

國朝康熙甲申總督喻成龍巡撫劉殿衡重建更名白雲樓

楚觀樓在布政司前卽今鼓樓也爲唐牛僧孺奇章堂故址宋知州陳邦光卽其地建戲彩堂後知州汪叔詹夢前身爲奇章公因名奇章閣明宏治中重修改今名大學士李文正有記

國朝順治中總督祖澤遠重修康熙三年再建

望江樓在漢陽門北城上明洪武初知府汪大本卽烟波樓故址創之易今名狀元黎淳有記

江夏縣志

卷之十五

古蹟

三

雄楚樓在舊巡撫署後萬歷初都御史趙賢建癸未兵燹

國朝康熙十五年布政司徐惺重建

焦度樓在縣東南子城上按南史度字文績宋明帝時以武勇爲武陵王叅軍沈攸之起兵至夏口度於城樓上露體辱罵攸之怒攻城與衆蒙楯將登度投以穢器敵不能冒後人因以名樓

和豐樓在縣東南舊名南樓宋淳熙間燬總管劉邦翰重建改今名

楚樓在平湖門外宋紹熙間建

閱兵樓在夏口瀕江與晴川閣相望明萬歷三年都御史趙賢建後燬崇貞間宋一鶴移白雲閣以補之今廢
楚王故宮在高觀山下前臨大朝街左閱馬廠右長街宮廣二里袤倍之甃石爲城內二山東曰紫金西曰梅山明季兵燹殿寢池館俱爲灰燼所傳舊制僅正陽端禮東華西華後宰諸門及梳妝臺而已

正陽殿在邵陵王綸宅今鐵佛寺綸所舍宅也

鄂州舊治在黃鵠山陰卽今府治

江夏縣志

卷之十五

古蹟

四

奇章堂見陸游記在布政司署前卽鼓樓舊址

太白堂在黃鶴樓後邑令徐日久建今更爲亭

竹雞堂元末土人掘地得碑隤此三字旁刻東坡書元豐巳丑二月日題今廢

光華堂在漕園見陸游記今廢

李白讀書堂在頭陀寺見一統志久廢

四賢堂在府學宋嘉定中教授石繼倫建以祀周子二

程子朱子黃幹有記今廢

劉蘆泉讀書堂在鹿泉山之鹿泉寺劉名績別號蘆泉

著管子集註唐人也或曰明人

磨崖方丈在黃鵠山北岩壁幽邃靜境可人

石鏡亭在黃鶴樓西有石臨崖如鏡石色蒼澀無異凡石每夕陽倒射則炯然發光宋賀鑄有詩西城夕陽晴東城石鏡明有山分八字共作兩眉橫崇正癸未石忽失去亭亦尋廢

國朝康熙甲申總督喻成龍巡撫劉殿衡重建

仙棗亭在黃鶴山頂亭前有棗四株世傳未嘗結實忽有實如瓜太守命小吏採而進吏私啖之遂仙去後人

江夏縣志

卷之十五

古蹟

五

因建亭焉又傳太守與倅奕忽聞人語云太守奕敗奕果敗夜半聞笛聲起牆外隨聲踪跡至亭見壁中有絕句云黃鶴樓中吹笛時白蘋紅蓼滿江湄衷情欲訴無人會只有清風明月知末書呂字郭正域有記明景泰四年建一曰呂仙亭十間亭在仙棗亭西後爲

萬壽亭

一覽亭在仙棗亭後

壓雲亭在黃鵠山椒舊爲頭陀峰頂院元世祖至鄂嘗

駐此觀覽形勝至正間建亭

廣永亭在黃鵠山頂近楚觀樓

十盤亭在黃鶴樓下刻石云東有亭西有菴路十盤而上故亭以十盤名之監茶柳應辰蔡餘慶記今廢爲望江亭

奇章亭在黃鵠山累斃爲臺賀鑄度湖集云唐牛僧孺登晏處陸記謂四顧江山井邑靡有遺者今廢

夏亭在頭陀寺唐鄂州守何所建符載爲之序

江漢亭在府倅廳宋張栻倅記張芸叟南遷錄云鄂倅

公宇因古城作亭榭俯瞰江漢景物最秀

乖崖亭在布政司內宋李燾設張忠定像祀之有記

封建亭在中和門子城梅亭山明太祖取陳理駐節此山報第六皇子生太祖曰他日以此子王楚及封王議予齊國寶三鑄不成因悟曰朕昔駐梅亭有言其王楚乎一鑄而寶成遣齋御製祝文祭告封內山川因建亭勒碑其上

振衣亭在按察司堂後黃鵠山上明萬曆二年按察使王世貞建

御風亭在縣東明永安王園內王名蘊鍾字星崖教梨園女妓於此

稅務亭在縣西陸記賈船客舫銜尾不絕者數里今廢
達摩亭在金口西華觀後相傳折葦渡江處舊志謂此非是

哭竹亭在孟城白鶴山下宗父若翁居孟城愛種竹以千計爲南竹院後宗母病冬時思新笋宗求之不可得乃抱竹而哭須臾生笋數莖母食輒愈今白鶴山陽有孝感禪林右有南竹巷其故居也楚先賢傳則謂宗母

江夏縣志

卷之十五

古蹟

七

亾冬未生笋宗入林哀嘆而笋出與史傳互異

蘄春亭許慎說文云在江夏

插劍亭在長春寺左俗傳洞賓飛劍以擬黃龍禪師劍止於此見長春山碑今呼飛劍亭

匹練亭在縣東有水如練因名

曲水亭在布政司北又有喬木等亭卽古所謂楚望也今廢

冠霞亭在高觀山第一峯中丞劉殿衡建

翼然亭在冠霞亭西中丞張連登建

靜春臺在黃鶴山北磨崖方丈上刻靜春臺三字旁刻
淳熙壬寅劉清之題

皮日休讀書堂在頭陀寺見一統志久廢

方朔讀書堂在靜春臺北蜀長史曹應星宅後墾基得
此三字相傳爲讀書處

郊天臺在縣東磨兒山漢昭烈祭天於此

白楊臺在縣北十五里舊志云梁武帝攻郢城遣唐修
屯兵於此

龍牀臺一名鳳凰窩在高冠山第一峯下後闢作玉皇

江夏縣志

卷之十五

古蹟

八

閣卽明太祖降陳理毀所獻鏤金牀處

放鷹臺在洪山後明楚藩放鷹處

藏冰臺在紫荆山南楚藩藏冰處

稽古閣在府學宋紹熙間鄂州教授許中應建藏紹興
石經兩朝宸翰又取板本九經諸史百氏列置其旁朱
文公有記久廢

留雲閣在黃鵠山南從石鏡亭數折而下最爲幽勝

北榭在府署後宋元祐中建黃魯直有詩乾道中張安
國扁後圯李燾復建有記後爲僞漢陳友諒鼓鑄之所

今廢

湧月臺在太白堂左世傳爲曹孟德筆按一統志漢陽鳳樓山有湧月臺宋黃清老建石上有湧月二字舊志據陸游入蜀記盡述鄂城古蹟獨不及此疑爲後人之摹刻於此而續以臺字也明末譚友夏與劉敷仁得此三字山背草蕪中白之邑令徐子卿植於太白堂左譚友夏有詩康熙時移置堂後西爽側今復故處累石爲臺僅湧月二字存湧字中斷月字殘少許下接一石臺字無有也

江夏縣志

卷之十五

古蹟

九

思親臺在靈泉山下宋張文淵文潛以父舜民望遠哭親處築土壘土爲臺號泣聲亦相續在松楸風雨間也蓼莪堂在靈泉山唐肅宗賜額以旌李鄴之孝明辜臬有記廢於藩寢

尋樂齋在靈泉山下卽紫萼園故址也有亭曰精一軒軒後爲花萼園有館曰臥雲爲張誠讀書處後爲憲寢萬卷書樓在靈泉山東誥軸峯下唐相李磎後名沈字東濟者有俊才一日名沈至今地有沈子澥之稱出貲數萬金購求秘書遠商輻輳爲樓以貯之天下稱李氏

書樓其堂產芝顏曰瑞芝堂明李氏後裔猶修之曾泰有記以藩寢廢爲經堂菴

含山樓宋張芸叟建在靈泉山天馬峯下甚爲鉅觀元末燬明初鶴山吏部重建左右亭二曰春露曰秋風前爲張氏宅後楚藩爲貽寢

寶像塔在黃鶴樓前元威順王太子墓王名寬澈普化墓用塔元制也塔高三丈石色潤白相傳下有千歲燈天啟元年塔下牆裂寸許有烟騰出

古無影塔在黃鵠磯右石上高不三尺每西日返照略

不見影藏骨者不知誰何也

廣勝塔在三佛殿後牆壁中古頭陀寺開山和尚塔也寶通塔在洪山塔高七級碧瓦朱甍楯以雕欄陟其巔者闔邑形勢瞭如指掌秋日塔燈更勝

小塔在晉安寺亦名無影塔下有浪花井

局灣在鳳凰山下卽唐書地理志鳳山監錢官也久廢紫萼園在靈泉西北爲江夏王道宗故居

漕園宋漕司之所築也陸記謂依石城山亭館十餘久廢

陽春園在舊撫院署內都御史汪道昆建趙賢記

熊園熊襄愍公家居時所構也在新南門內園橫濶六七里宛一幽僻鄉落內濬小溪其曲九每曲一亭沿溪奇卉雜植今廢

御菜園在水陸街後

榛子園在縣東居民種榛其樹高不二尺自武岡州來貢楚王因植於此移種他土便不能活

列圃在忠孝門外劉榮伯構今廢

一枝巢郭正域卽宅中老槐曲處傍幹而成軒聯云自

此鷓鴣堪托宿任他風雨不飄搖蓋郭爲楚藩事幾陷不測故寄慨如是後宅爲左寧南所據今爲制軍官署梅亭書屋藩伯董長馭園也以園脉發自梅亭山故名內有雞蟲閣俯視熊園董與熊隙寓竚目寒江倚山閣之意閣之左山澗環折中置一舍曰舫齋

桃溪小隱在縣東郭外楚宗五嶽別墅也環溪種桃春華秋實郭正域諸名流皆爲詩歌以贈之

西爽石刻在黃鶴樓後石壁明直指宋公得之巖崖中石巨不能移乃摩二字於碑碑今廢北巖故字猶存

桃花塢石刻三字在臙脂山陰石壁上

竹風清三字在臙脂山北石壁上旁鐫古梅敦題

爛柯石刻在高觀山之陽石上刻爛柯二字下一碁枰俗傳如樵叟覩奕忘歸故事蓋附會之也

李北海宅卽今修靜寺或曰丁固宅也

南齊王簡棲碑在古頭陀寺唐開元六年建蘇州刺史張廷圭溫玉書韓熙載撰

御書碑在府學有元至順間御書遠至萬里歸程六字一碑歐陽元有贊

龍王碑在石門山宋嘉泰間封嘉澤龍神者也文曰頻年多旱常恐德不類而四方以神休告者踵相接也抑知百神之受職而不予吐也豈民俗矯福而佞神亦遷就而爲之與綜覈之世諒不其然爾神妥靈源泉百年之祀欽馨佐德邦人宜之共衍新封永福千年特封寧濟侯碑末鐫龍神符篆摹焚之禱雨立應敕文後爲霆擊其半在藤蘿中

帥公碑三字在臥湖山石上不知原起

東山賦刻洪山後石壁上剝落不可辨識

東巖詩刻東巖寺後山懸石上有幾處稱梁喧鳥雀數聲鐘磬起漁樵之句

洞賓仙跡有二一在縣西南黃鵠磯石壁上有遺像一在縣東二里紫荆山西石壁上有臥跡竝有洞賓仙跡四字

仙桃跡在黃鵠磯上桃痕有三依跡作亭以祀呂仙亭外數百武無蚊蚋俗謂仙塵拂去

果老仙蹟在金口達摩亭左相傳果老牧驢於此山有驢跡環跡不生纖草

仙人石在仙人山層累二石高二丈許頂方五七丈末纔徑尺耳中斷處有微隙唵風輒怒號上段黧黑如累螺下段光瑩差白陳述知謂仙奕石頂跌跡猶存或曰杵道在中可摩挲及兩仙奕罷覆以石去之也

聚仙舖在城南百里田畝中亭跨石橋橋畔有堰渟水時作酒香相傳有仙聚飲於此橋上遺有益跡

牛眠石在魯湖東岸大可數十武形似牛眠水濱旁一石高二丈許如牧者狀惜在僻壤無人賞識未嘗不嘆茲石之遭也

龍石在靈山寺右其色紫中段鱗甲宛然
石蟾在延福宮徑五尺長十尺三足右足微展天啟五
年魏縣丞墾基得之以爲頑物一夕遁牆外復移殿左
墀中至今存

趙陀石在南浦中俗傳巨商趙陀舟所化一日釣鼃石
銅鐘懸鼓樓上洪武中楚昭王獵馬跑泉見白兔射之
隨沒於地掘三尺許得銅鐘鐫嘉熙庚子年鑄又得石
羅漢二神氣肅穆命供鐵佛寺

飛來鐘在鐵佛寺大五圍高丈許宋熙寧時新州化樂

寺鑄也明正統中忽從江上浮來鐵佛寺僧永善披衣
望拜忽抵岸衆昇至寺一擊七宵旦不絕聲當事以聞
命改鑄神器景泰乙亥鐘鳴空中數日方伯蕭暄訪知
改鑄事鑄鐘以代聲乃止今殿前覆土石中者其代鐘
也崇正甲申左良玉強命升擊聲如哭泣

興唐寺鍾在雙峯山陰興唐寺其題誌云大唐天祐二
年三月十五日新鑄勒官階姓名者兩人一日金紫光
祿大檢校尚書左僕射兼御史大陳知新一日銀青光
祿大檢校尚書右僕射兼御史大楊琮大字之下皆當

右夫字

鼉鼓在洪山寺熊襄愍公得自關東

鎮水犀二一在平湖門外江干一沈於江

鯉魚濠在武勝門外瀦水畜鯉以供楚藩之庖今廢

安瀾樹在長春觀後遇子午卯酉年結子朱赤堅確如
金今無之

岳柏在大東門外鄂王廟墀左圍可三尺枝幹疎老不
繁人號爲獨柏每值辰戌丑未年楚士有掇巍科者柏
預吐一奇枝

江夏縣志

卷之十五

古蹟

五

岳松在洪山之巘岳武穆手植今無存

山陂驛松明永樂初尚書吳廷舉捐貲募工沿途植松
走五百里中青翠襲人今頗翦伐

靈泉古市始於漢迄唐寢盛時而在山外宋自張芸叟
始家天馬峯下鋤地得金鉅萬列屋召商集至數百戶
元則蔚然大鎮後燬於紅巾賊明初復聚闐闐閭閻鱗
萃烟雲淳鬱中而張沈鄒杜樊曾董李里稱八達者爲
最以楚藩奪其地爲九寢而墟矣

黃公鄉在太平里五谷嶺見黃瓊自敘年譜今爲五谷

城

司徒馮京宅在夾山里靈泉山東

李鄘李磻宅在靈泉山

孟宗宅孟城爲故居孟氏世居江夏漢賢士孟若翁耕於孟城之野漁於南浦之湖宗其子也古稱靈竹院者當卽舊宅之南竹院也後遷寧湖南爲新居舊志謂前人多辨其非者居有新故未能詳考故相牴牾云

邱墓附

蠻王墓有二一在縣東三十里一在馬岐山

江夏縣志

卷之十五

古蹟

六

劉將軍墓在縣城東南七里舊教場內

樊噲墓在靈泉山天馬峯下明楚莊王奪其地葬昭王鑿之才洞其竈雲滃然出至半空現曾身王拜祝以王禮改葬遷其墓於左每歲王祭墓必先祭樊墓

樊英樊廣墓在靈泉山父子嶺以英父子墓在名今失其處

黃瓊墓在太平里其祖墓在黃陵山之東南見漢唐古誌云在青石邑今其地有青石舖或邑爲驛之訛墓在蔡氏莊後今失之

黃琬墓相傳在永豐里

彌衡墓在鸚鵡洲今淪於江

黃楊墓在縣城東三十里鸚鵡村棘林

孟母墓在縣右鳳凰山麓卽孟宗母也又云宗墓附焉

陶侃墓九域志在江夏今失其處明沈世昌云在夾山
里花山下

朱條墓在縣城不知何處

李道宗墓在靈泉山憲寢下

李善李邕李暄李鄘四墓舊在九峯山以楚藩奪爲寺

江夏縣志

卷之十五

古蹟

七

移之盤龍山下李盛墓附焉

李碣墓在靈泉山東數里胡宅後近湖

馮京墓在縣南百里保安池上靈溪鄉有司徒廟沿山

別有祖塋

沈如筠墓在天馬峯下昭寢左

陳有諒墓在臬司後黃鵠山或曰疑塚也明太祖履祭
手書人修天定四字於壤所萬歷末年陳璫稅楚掘古
墓至此風沙晝晦雷吟吟如怒聲工散天始霽

明楚藩昭莊憲康靖端愍恭八王墓在縣城東六十五

里永安懿簡莊惠悼懷靖懿昭定五郡王墓巴陵悼簡王墓俱在縣城東

壽昌安僖靖和莊穆三郡王墓俱在縣城西興源通山靖恭莊簡安惠溫定莊穆五郡王墓俱在縣城東景陵順靜王墓在縣城東

江夏康靖悼順安惠端僖四郡王墓俱在縣城東

東安恭定昭簡二郡王墓俱在縣城東

大治王墓在縣城東

縉雲懷僖郡王墓在縣城東永豐山

江夏縣志

卷之十五

古蹟

六

保康王墓在縣城東

叅將張善墓在縣東南長樂山總志繫之漢漢無叅將銜按楚紀明人也

叅政吳雲墓在金口明初使雲南不屈死還葬於此

江雲

南宜興人明紀載雲南梁王遣人收雲骨葬給孤獨寺或後遷葬於此也宏治中贈雲尚書諡忠節

都御史徐鏞墓在縣城東五里洪山北

提學副使沈鍾墓在縣城夾山村南湖觜

賀時泰墓逢聖之父葬八分山逢聖於山下置祭田十

六石又有高祖永源墓在南關外踏步橋曾祖塋墓在

磨旂墩祖廷秀墓在八分山崇正間賜御祭逢聖弟逢哲及逢聖長子覲明次子光明獻賊之變同盡節滋陽湖墓俱在八分山

郭正域墓在縣東長樂村

熊廷弼墓在縣南五十里紙坊驛墓道磚石里人多竊發者太守章培基代爲修葺且設厲禁有碑

賀逢聖墓在縣東夾山豐禾山之張家橋

吳裕中墓在縣南九十里蘭嘉山

胡副使墓在縣西南六十里金口鎮

江夏縣志

卷之十五

古蹟

十九

陳僉事墓在縣南七十里紗帽山下

侯副使墓在縣西南九十里

任家相墓在縣東五十里報德寺左有碑舊志謂在縣南九十里鼓樓山豈自南遷此耶

佟僉事墓在縣城東十里

杜淦墓在夾山里徑途

曾泰墓在靈泉山黃獺洞上有石室藏其中

張誠墓在靈泉山路駝灣莊寢前墓以雷鳴七日得不

掘

張璞墓在靈泉天馬峯左楚宗鑿其石槨葬附於左
張維楨墓在八分山賀文忠有誌

張添祐墓在靈泉山天馬峯下昭寢右

張輅墓在天馬峯右

國朝

長山烈婦塚在長山舖

劉貞節墓在二府寢

烈婦梅氏墓在義骨塚

義骨塚在縣城東明末巡撫何痊難後白骨處

江夏縣志

卷之十五

古蹟

三

江夏縣志卷之十五

武昌府江夏縣知縣陳元京纂修

雜志

雜志者何事不一律未便分門隨所聞所見蒼萃而作也然因事以考之雖語涉不經事疑瑣屑亦嗜奇博物所弗棄焉石言星隕之異實沈台駘之說與夫亥豕魯魚之訛豈以碎雜而概置之也哉作雜志

孟宗一名仁出吳錄

李重中夏名士孫秀欲立威權咸云樂令民望不可殺

江夏縣志

卷之十五

雜志

若李重者又不足殺遂逼重自裁初重在家有人走從門入出髻中疏示重重看之色動入內示其女女直叫絕了其意出則自裁此女甚高明重每咨焉

梁武圍郢城將軍薛元嗣等無大經畧惟迎蔣子文及蘇侯神日禺中於州廳上祀以求福鈴鐸聲晝夜不止又使子文導從登陴巡行旦日輒復如之圍百日士庶病死者七百家

梁安康王秀都督郢中夏口常爲戰地多暴露骸骨於黃鶴樓下祭而埋之一夕夢數百人拜謝而去

曹景宗刺江夏鬻貨聚斂於城南起宅長隄以東夏口
以北開街列門東西數里而部曲殘橫部下厭之魏攻
司州城中負版而汲景宗望闕門不出但耀軍游獵而
已司州竟陷

魚宏性豪侈送瑞像入都率部曲數百悉衣錦袍赫奕
滿道頗爲人所慕塗經夏首李杭效其爲人舅元法僧
聞之杖杭三百

孫瑒鎮鄂州乃合十餘船爲大舫於中立亭池植荷菱
每良晨美景賓佐並集泛長江而置酒

江夏縣志

卷之十五

雜志

二

鮑泉與世子方諸守郢城不恤軍政惟事蒲酒云賊何
由得至侯景將襲執之送景所及景攻王僧辯於巴陰
敗還乃殺泉於江夏沈其屍於黃鵠磯初泉夢著朱衣
行水上及死舉身帶血而沈如其夢

王僧辯攻鄂州徐世譜乘大艦臨其倉門賊將宋子仙
以城降倉門未知所在

僧辯攻郢入羅城有大星如車輪墜賊營去地十丈變
成火一時碎散

吳規頗有才學邵陵王綸引爲賓客深相禮遇及綸作

收郢藩規隨從江夏遇張纘出之湘鎮綸錢之南浦纘見規在坐意不能平忽舉杯曰吳規此酒慶汝得陪今宴規尋起還其子翁孺見父不悅問故因氣結便卒規憾纘痛兒次信之間又致殞妻痛夫子三日又亾時人謂張纘一盃酒殺吳氏三人

陳宣帝太建七年郢州獻瑞鐘

李太白上安州裴長史書自敘其生平云昔蜀大吳指南死於洞庭之上白禪服痛哭炎月伏屍猛虎前臨堅守不動遂權殞於湖側數年來觀筋骨尚存雪泣持刃

江夏縣志

卷之十五

雜志

三

躬身洗削裹骨徒步負之而趨寢輿攜持無輟手遂正貸營葬於鄂城其存交重義如此

樂天集中有夜聞歌者時自京城謫潯陽宿於鄂州其詞曰夜泊鸚鵡洲秋江月澄澈鄰船有歌者發詞堪愁絕歌罷繼以泣泣聲通復咽尋聲見其人有婦顏如雪獨倚帆檣立娉婷十七八夜淚似珍珠雙雙墮明月借問誰家婦歌泣何淒切一問一沾襟低眉終不說其事與琵琶行絕相類何香山之多情也

元稹在江夏襄州賈塹有莊新起堂上梁纔畢疾風甚

雨時莊客輸油六七瓮忽震一聲油瓮悉列於梁上一滴不漏其年穰卒

元稹登黃鶴樓望江邊有光芒若星使人就視得一鯉魚剖之腹有二鏡鏡大如錢背有雙龍旣磨瑩其光照澈人膽爲元攜去不知所終

韋臬遊江夏與荆室青衣玉簫有情臨別約七年再會因留玉指環逾八年不至玉簫絕食而殞後鎮蜀湘山人有少君之術乃見玉簫曰後三年再爲侍妾後東川陸八座送一歌姬真玉簫也而指有肉隱出不異玉環

江夏縣志

卷之十五

雜志

四

出雲溪友議

李陽冰篆鄂字有四口鬼爲之哭出鄂州圖經

江夏陸社兒夜歸逢一女求宿詞色甚哀社兒不得已同歸共寢忽聞暴風雨見一毛手拏婦人去及明七八里外有蛇長百餘丈流血在地有千萬禽臨而噪之社兒由是驚悸常如癡狂

羯鼓近士林罕習之者惟韓僕射卓善亦不甚露爲鄂州觀察使間於黃鶴一月兩習而已出唐羯鼓錄

伍崇文鎮武昌閱兵於蹴鞠場武昌廳有古屋百餘間

久經霖雨一旦而頽聲聞數里左右動色惟崇文指揮
點閱安詳如故亦無所顧問出南唐近事

何敬洙善彈射性勇決微時爲鄂帥李簡家僮李性嚴
毅果於殺戮左右給使之入小有過僊鮮獲全省何嘗
薄暮與同輩戲於小廳下有蒼頭取李所愛硯謂諸僮
曰誰敢破此何時餘酣乘輿碎之翊日李知其由命擒
何至死不旋踵李夫人素賢明知何有奇相每曰異日
當富貴至是匿何後堂中浹旬李怒未弔一日李獨坐
小廳有烏甲喙向李而噪其聲甚厲李惡之遂拂衣往

後園池亭烏亦隨至命家人多方驅逐畧無去意李愈
怒顧左右曰何敬洙善彈亟招來能斃此嘗釋爾罪何
應茲斃之李嘉賞遂捨其罪泊成立擢爲小校以軍功
累建旌械建隆初自江西移鎮鄂渚下車之日亭中復
見一烏顧何而鳴何曰昔日全吾之命得非爾乎乃取
食物自置諸掌烏翻然下食出南唐近事

吳處厚知漢陽軍每謂鸚鵡洲沔鄂佳處欲賦詩未就
一日視事綱吏來告覆舟吳問所在吏曰鸚鵡堰吳拊
案連唱大奇徐曰吾一年爲鸚鵡洲尋一對不得天俾

汝也因得末減出宋或可談

馮文簡當世始求薦於武昌會小宗者庸謬寡鑒堅欲黜落又欲置於末綴時鄂倅南宮城監試當折封定卷大不服奮臂力爭之以公冠於鄉果擿大魁釋褐除荆南倅南宮遷潭倅當世以詩寄謝出湘山野錄

馮當世慶歷中以鄂州薦至江風濤洶湧幾至沈溺春來廷試第一還過大江風微浪稔舟楫安然題詩云江神也世情爲我風色好

王韶罷樞副知鄂州出家妓宴客坐客張續醉挽妓衣將前擁之妓泣訴於韶坐皆失色韶曰出爾曹以娛賓乃令客失歡命請大觥罰妓人服其量

鄂州李媪居南草市無子鬻鹽自給淳熙中市大火屋廬殆盡媪屋獨存門外鹽兩席几所挂葦薦無少損郡守趙善俊詰之對曰無所長但每日所貨來買一觔以十八兩與之所憑以活幾年者一稱而已

黃魯直在鄂州太守以真才望信重之士人以詩文投贄守必取質於魯直而報之一詞人投詩頗紕繆守攜見魯直魯直閱詩良久無語太守曰此詩不知酬以幾

何魯直笑曰不必他物但公庫取四兩乾艾於屍骨上作大炷炙之且問曰爾後敢復溱氛耶詞人竟無所濟出拊掌錄

江夏有道人呂元圭爲人言事多驗一日忽告曰惡人將至矣須急避之瞥然渡江去是日提典刑獄喻陟自武陵至鄂卽遣使訪呂云已行但得其往還者岑文秀詰其所得岑曰無有喻加聲色將笞之命搜其家於神堂壁中見所與岑長歌一篇言內丹事喻曰此卽呂先生也其名元圭蓋折先生二字耳衆始悟惡人之說是

江夏縣志

卷之十五

雜志

七

恐喻逼之云

開禧二年鄂州民謠塞上將軍少城南從事多宣威不可問恢復竟如何時權臣開邊爲宣撫使置司多辟親故幕賓聚城南爲酣縱云

辛次膺紹興中爲湖南提刑舟至武昌大將岳侯於江亭迎謁辛見之卽以明日具食旣宴迎辛入小閣執手曰前夕夢爲棘寺建對獄獄吏曰辛中丞被旨推勘驚寤而津吏報君至他日飛或不幸下獄願公救護之後數年飛故部王貴迎時相意告其謀叛繫大理獄新除

御史中丞何鑄治其事方悟昨夢乃新中丞也

宋朝茶法漢陽軍祖額錢二十一萬八千三百一十一貫五十一受納鄂州片茶二十三萬八千三百斤半

江夏劉次卿見鬼以正旦至市見一書生入市衆鬼悉避劉問書生曰子何術以至於此書生言我本無術出之日家師以丸藥絳囊裹之繫臂防惡氣耳於是劉就書生借此藥所見諸鬼處悉走其方用五都雄黃丹散二兩蠟和令調如彈丸正月旦男女左右帶之出荆楚歲時記

江夏縣志

卷之十五

雜志

黃鶴山樵鐵網珊瑚官窰軸其畫止老樹三四株四面界畫之界畫外第一首詩有鐵網珊瑚起句因名黃鶴山樵者吳動也出陳眉公筆記

滕王蛺蝶有江夏班是邑中蝶亦著名也見酉陽雜俎黃鶴磯上有石桃痕俗傳呂仙假賣桃以驗衆售桃者第云歸遺穉子無及父母者呂感忿擲桃於石而去其痕存

鐵井在鐵佛寺明正統間泉忽湧得汲器有鐵樹宮字相傳井通南昌

橘齋史右丞風病眉癩初至館樓上夢仙拂面而癩脫
問仙何名謁亭物色如所見平章忽刺觥夫人禿滿倫
氏患頭風日夜望仙禱祈已而聞笛聲皆曰仙笛也公
曰有靈當再聞及夜笛聲起牆外自是夫人起居如初
出元鄭壁呂仙亭記

李明道初事偽漢及友諒亾剪鬚髡髮逃匿山中明太
祖駐武昌仇家執明道以獻不屈命磔於鮎魚口明道
所畜犬環屍鳴擲啣聚其肉跑沙而瘞之有司以聞太
祖嗟異詔以被殮葬蓋如張若耶之黃蒼云

六安馬致遠明正統間隨其父入四川道武昌泊舟江
澣岸有二老媪以縫綴爲業母將令理故衣見其面有
涅痕詢所以則偽漢陳理時宮人也理掠民間女配後
宮劓刺面爲記因云理時被大兵圍追乃出降行泥首
之禮指武昌城北十里爲當時自縛處偽漢滅放遣宮
人乃嫁爲人妻老而孤嫠故業此

明江夏令樊尚璟諸生時夢神人赭袍異相語之曰吾
洞庭水神也君異時成進士必牧余上後筮仕江夏下
車之日值邑人肇建柳毅廟因割舟中裝十金以助入

廟瞻拜神像宛如夢對或云神語終身事甚悉秘而不宣見段然記

校尉五聖祠舊在明楚藩果園屢著靈異王遷之中和門外令校尉翟貴文禮蔣供養王富等侍奉一夕王夢神言四人事吾謹吾將取之及旦皆歿因塑像勒石於側妖妄甚矣

明嘉靖乙卯楚省鄉試武江脫榜有裴生高才積學諸監司念首庠不可無人欲以裴填榜而猝忘其名口語裴者三直指某曰韓中丞賢而貧其子可充舉也遂以

原性填榜未俗以爲賀逢聖事非是

夾山里馮司徒宅有壞牆一築風圯之再築龍圯之乃製聯云不設藩籬恐風月爲人拘束大開門戶放江山入我品題及首捷復三築之又燬於火遂去之咸寧永豐驛明相張添祐有馮氏壞牆記紀之

聚仙舖去會城百里田畝中立瓦亭跨石橋者是也橋西有水堰盛夏酷寒渟水時作酒香飼牛於其下者強挽之飲牛必奔去相傳有仙聚飲於此灑酒堰中

長春觀太上像宋淳熙八年仙師王重陽偕真人邱長

春師徒撚紙塑太上像神氣肅穆鬚眉如生後有羣盜
疑像爲金竊不能舉盜愈疑又一日復持刀來刮金刀
甫行太上視竊人一笑盜驚逸去

寶通塔大觀中尉遲鄂公監造塔梁舊識今無存矣

熊襄愍生時長虹貫室雷聲震地週歲日有相者曰此
天生豪傑凡民中人龍也當是文文山岳武穆一流他
日必志篤忠貞爲社稷臣篤生之異如此

寧湖寺舊在寧湖中有水怪祟人起爲紅黑氣觸者輒
斃唐紙衣禪師結茅於此跪諷法華而怪滅故曰寧湖

江夏縣志

卷之十五

雜志

十一

也春漲時遊者非筏艇不可至僧舍深僻牕甕多臨曲
水黃岡處士馮雲路著書其中獻逆陷楚賊隔岸急呼
勸之降曰生平讀死忠之書死孝之書不曾讀降賊之
書今日惟有清涼水一口而已遂投湖死之

般若菴有四面佛明給諫段然創始居士張繼善成之
越二十年工始竣銅佛身高三丈四面各一佛張廣陵
額曰爲善法門其聯云慈雲飛寶刹喜東西南北開生
面人人親見如來慧日轉法幢勸賢愚貴賤早回頭念
念提醒這個康熙五十四年士民以壓省會來脉顛當

道毀之裂分其銅聞後得銅者皆卽其身以惡瘍潰裂死非佛之禍人也以利假義有自作之孽矣

安慶寺祀關忠勇在縣東南九十里管林莆癸未之變張文甫與衆避兵於此失其子哭禱於神假寐時夢赤白衣二叟來赤衣者曰汝速至斗米港救汝子吾漢壽亭侯白衣者汝祖樞密也驚起急求之聞兒啼得之泥中問何由至此曰白衣翁送我來也次夜賊至忽黑雲四垂暴雨如注見天之南赤袍橫刀者逐賊於管林岸天之北白袍仗劍者逐賊於丁甲山時望空拜者萬餘

人賊去空中大呼曰積善餘慶天相吉人嗚呼靈之昭昭若此哉然亦周於德者之不能殺矣

事見張氏家譜

曾氏秦氏居市廛皆早寡一日火將及舉家奔避惟曾秦姑媳安坐不移已及室而火忽滅家人還相慶幸怪問不出之故曰吾輩數十年來未嘗輕出戶外寧以火迫遂令人見未亾人死後矣何爲忍辱求生是以不出也

黃鶴樓太白堂北碑亭牆壁一日有客來此擘窠大書字曰樓峯江帶舟蟻人潮字廣長徑數尺許勢甚蒼古

而語亦奇絕晏大中丞聞之疾馳至忻賞之甚命跡其人偵得所寓已去不知所之中丞大驚懊鞅去邑令誤謂公惡之旋命刮去無存

競渡時傳昔有一龍舟宛若游龍出沒水中擢唱不絕久之入水不復出其後近午日或風雨輒聞刺船聲波間譁譟如前狀也

僧朗然俗姓王於三台山創興善寺戒律精嚴寺左塘側每風雨陰晦之久輒一婦人哭甚哀聲達旦朗然及時持錫至其處稱佛唄誦如是者再後夢一少婦至拜

江夏縣志

卷之十五

雜志

三

而謝曰我鄰婦也有娠明末抗賊遇害於此久銜恨冥壤今荷師法力得度去矣自是寂然

康茂才薦江夏賢士三人於明太祖曰曾泰辜臬張誠帝書之幃間洪武五年命御史張育厚幣徵之名見賦白燕詩應制曾泰狀元及第辜臬張誠皆翰林同時名試獲選者七十人

廩生王猷有文名嗜食鰻鱺一夜夢白衣道人謂之曰予明日遭劫丐君活我出冊袖中示之悉蝌蚪文字不可辨識曰當以此報明日有獻鰻者忽其姊夫某至武

庠生也尤嗜此急爲操刀殺之食時頓憶昨夢大懊悔已無如何晚跣足出門外忽數蠶來螫其足輒癰痛自是病寢疴羸未幾卒聞者相戒一時鰻爲之不售

前明江夏科名之盛考之通志自洪武甲子迄崇禎壬午顧解者凡二十七人以經魁一榜者凡百四十餘人而今之人惟嘖嘖稱熊解元若有明一代廷弼外闕無人焉者熊之以元傳與抑元之以熊傳耳至魁之中芬齒頰者則惟賀逢聖郭正域世且不以其魁傳其他非遂無可稱述而名顧不烈焉觀乎此而人可不審所以

江夏縣志

卷之十五

雜志

十四

自立者與

靈泉山相去不三四里而明初科名之盛一榜掄元者四人魁榜者十二人計登科者凡四十人甲榜有第狀元者二第探花者一第進士者十餘人且賢才輩出爲理學爲名宦爲忠臣孝子難更僕數靈泉不濯厥靈也哉

明月橋右濂溪祠祠前鑿池納湖水以種蓮卽名之曰濂溪昔無錫錫山高世泰聚楚士講學於此濂洛淵源是水當楚人士之所嘗溯游溯洄而從之者也

賀逢聖司鐸應城時黎明卽起堂廡階凡手箕帚躬灑掃潔如洗日以爲常聞有夢賀爲端木後身丁日夫子與門人議往應城受祭事徵之逢聖傳中所言嘗坐見先聖移時卽有持聖肖至者夢或不忘也文忠洵聖人之徒矣

邑庠生商應廷之聘妻胡五姑歸商守貞壽九十先決期無疾而終三日後舉家夢錦衣坐西北絕高處左右有擁旌幢者若天仙狀也

世之訾逢聖者日以隙夙嫌熊廷弼不一引手救嘗讀

其傳云楚人滿朝薦梅之煥等鳩同鄉爲經臣訟寃出公揭求賀署名或謂視經畧與居往昔今日事得無不可逢聖覲然曰諸君誤矣逢聖與熊幼同學壯同朝第以熊果於自用不能臨事懼每用規切此何時以小嫌廢公議逢聖於衙門因爲首便當起草卽援筆立灑數千言觀於此而知熊賀君子之爭不過相切劘者之過激焉耳而豈小人之睚眦戈矛也者其時言之明目張膽慷慨激烈如此何謂不救也又嘗立朝立朝唯諾似選悞觀其面斥逆璫謂立祠非所知上梁文爲借銜豈選悞者哉

雜辯

楚紀云孟宗江夏郡鄱人應城陳士元孝感志云按史
記無忌謂魏王曰秦不敢伐楚攻冥阨之塞徐廣註云
冥阨卽江夏郡鄱縣地申州羅山縣蓋漢鄱縣地也前
後漢晉江夏郡屬俱有鄱縣夫漢晉江夏郡置於今之
雲夢北而安陸則其附郭之縣今江夏縣乃漢沙羨縣
地亦屬江夏郡至三國吳時又分置武昌郡是孟宗之
世沙羨已屬武昌隔在漢江東南去鄱縣遠甚非鄱地
明矣宋人惟知孟宗爲江夏人而不知宗爲江夏郡之

江夏縣志

卷之十五

雜辯

六

鄱人遂稱江夏縣城東有靈竹院爲宗故宅紹興間立
祠以祀一統志故弗深攷以孟宗江夏縣人物而羅山
又不載焉不已誤乎然孝感北聯羅山以輿地計之其
東北境卽漢鄱縣地余乃論世索圖疑宗爲孝感人余
按世說新語注引孟嘉別傳曰嘉字萬年江夏鄱人曾
祖父宗吳司空祖父廬陵太守宗葬武昌陽新縣子
孫家焉袁宏孟處士陋銘亦曰陽新人今興國地蓋宗
家江夏之鄱縣而其後人家武昌之陽新嘉傳首云鄱
乃一統志汝寧人物亦有孟嘉皆遯其先世爾陳以宗

爲孝感人猶謂無據而武昌縣志引別傳訛鄙爲鄂遂以爲武昌人謬甚矣

許慎說文江夏有蘄春亭蘄從草鄂聲徐鍇注云諸書無蘄字惟說文荝字註言江夏有荝春亭疑承誤也今按荝字言齷反考江夏亦無此地疑是蘄字之訛

李太白過武昌見崔灑題黃鶴詩歎服之遂不復作去而賦金陵鳳凰臺也其本事如此其後禪僧用此事作偈云一拳打碎黃鶴樓一脚踢翻鸚鵡洲眼前有景道不得崔灑題詩在上頭旁一僧亦舉前二句而綴之曰

有義氣時消義氣不風流處也風流又一僧云酒逢知己藝壓當行元是借此事設辭非太白詩也

湧月臺非曹瞞書不待言宋陸務觀入蜀記鄂城古蹟一臺一榭不少遺石鏡亦經摩挲而不及曹書其爲倣清老亭中字無疑矣

鄂州有白虎磯今誤爲白湖鎮

馮京父名宋史不見本傳然按邵氏見聞錄升菴丹鉛續錄謂氏族志及言行錄京父名式爲左侍禁京生而雋邁不羣式一日取其所誦書題曰後日將作監丞通

判荆南軍府事馮京式既退官十一年京舉進士第一
為將作監丞通判荆南時人謂式為知子世族錄宋人
所經當得其實傳奇以為還妾事京嘗過其外兄朱适
出侍妾詢知為同年進士妻請而嫁之傳奇所謂京還
已妾憑臆杜撰誠可噴飯

靈山寺左有井其旁有幢乃元公主捨身為尼故蹟童
監不知以寺曾為岳少保書院遂呼其井曰銀瓶井幢
為銀瓶女葬處者誤也杭州臬司乃少保舊宅左有岳
祠銀瓶井在其內

都司前有孟井相傳孟宗故蹟然安知非孟琪所鑿也
宋大憲廟一統志作漢宋無忌為火神而總志雜紀作
長孫無忌其說又異

徐鉦使交趾交人烹猩以獻鉦舉箸直刺其目儒學小
史所載甚詳俗訛傳為熊延弼事熊通籍未嘗使外國
附會之言不可不正

沙羨漢書云羨音夷字典以沙羨之羨下從次為夷音
似面切之羨下從次王一寧續邑志以為羨下從以謂
似沙羨之羨古闕其字夫既疑古闕其字則無稽之字

奚足據也其字其音今惟以字典爲正

夏口者何夏水入江之口也明史地理志漢水自漢川縣流入舊逕大別山南襄河口入江成化初於縣西郭師口之上決而東從山北注於大江卽今之漢口也是夏口故在山南矣水北曰陽漢陽所由稱矣然水經注云山左卽沔水口沔左有却月城漢陽志却月城在縣北則夏口之在山北者又其故道也夏水自雲杜入沔沔漢水合而夏又合沔漢故入江處曰漢口曰夏口又謂之沔口也沔亦自沔沌口亦可曰沔口而何尚之第

江夏縣志

卷之十五

雜辯

九

以沌口爲沔口者非其云夏口在荆江之中正對沔口專以沌口言而陳述知因之遂謂孫權誤取對岸爲夏口則在赤壁山下與沔口對故紀夏口以訂訛則又專以沌口爲夏口矣要皆泥沔口之獨爲沌口而誤也卽其名皆可通而夏口固當以下流之漢口爲正夏口城在黃鵠山前惟古夏口在大別山南與之正對故孫權取對岸名之然借其名以名城而非其地之在吳邑也水之名在江北而北江之地卽以是名凡江北之言夏口者必兩漢時也城之名在江南而江南之地卽以是

名凡江南之言夏口者必黃初後也晉後江北多稱漢口然夏口亦間南北互稱每泛言地而不以城言而唐史則以東漢夏口卽爲鄂州何前後踏駁也舊志多沿其譌今正之始取諸對岸之沔津而借其名於城繼加乎鵠磯之岸而借其名於地而後且遂併入其名於邑之山川志而實之益攘非其有矣夏沔卽夏口水經注言之郭志乃分紀爲二一曰江中向沔口曰夏口一曰漢水曲入江處曰夏沔承何尚之之誤也水經注云江津豫章口東有中夏口是夏水之首屈原所謂過夏首夏口併紀之何更繆戾至此也

南浦之名不知所自要亦偶襲取舊志謂離騷送羨人分南浦卽此非也騷多假設之辭語本河伯篇止據河言卽河亦非確有所指何得妄以此實之且何水不可稱此豈別賦之所謂送君南浦者亦可云卽此耶况原固未嘗至此舊志且謂今名新開港則斯名第附會成之也

歎父山在漢陽水經云江水又東逕歎父山南江在山

南則山在江北其凡言南者山皆漢陽舊志誤入謬稱水經注江水經其西北注無其文也

汝南治不可考嘗過羽冠山里人指爲舊治猶比戶錯處然文無明徵論者又擬治當在今金口鎮獅子山後牛頭芙蓉諸山之陽其地居人絕跡寥閬更無形似考水經注云塗水流逕汝南僑郡故城南歷縣西又西北流注入於江詳其文甚脗治在羽冠山之說若芙蓉山陽則水早自金口市之西入江未叶注義然皆臆度矣而說固可兩存也

江夏縣志

卷之十五

雜辯

三

咸寧西有金水別名淦水淦亦恐後人之或加水金旁耳水至江夏入江處曰金口又曰塗口恐塗復爲淦之譌也以疑存之

昔漢稱江夏黃香惟以郡稱後漢書列傳以爲江夏安陸人今通志因之又志香墓瓊墓皆在安陸縣潘志乃紀爲邑人前郭張二志不入而潘獨歸之是邑未詳其所據乃後明太僕張璞之黃公鄉記而有實証矣黃公鄉在今太平里久失考璞以讀瓊自敘年譜里居知在江夏五谷嶺又閱漢唐古誌知瓊墓在青石邑瓊祖墓

在黃陵山之東南乃考其地止有五谷城至青石店無所爲邑想爲驛之訛訪黃公墓遇老叟年九十餘曰今之五谷城卽黃公鄉也今之蔡氏莊卽黃公墓也其得之耳目者不啻左右契矣又永豐里黃柏山下傳有琬墓鑿鑿如是而香瓊琬之爲邑人當不誣也雖列傳自有所本然要未若是之炯然足據者矣

費禕蜀志云字文偉名與字義近而舊志皆以爲禕字文禕字卽其名於義奚取卽名禕之沿已久不必據八代文鈔之孔明因病密表篇更定爲瑋而字爲偉之訛

江夏縣志

卷之十五

雜辯

三

則不可不正也夫以邑乘志耆舊而名字且沿其紕繆尚傳信之書哉

戴仲若隱居水經注云鸚鵡洲之下尾船官浦東卽黃鵠山林澗甚美譙郡戴仲若野服居之山爲會城黃鵠有明文矣或有以爲京口之黃鶴山者宋文帝云東逃之日當宴戴公山下者在是存此辨以資考也

馮司徒父名式舊志第據氏族志及言行錄以爲宋人所編當得其實猶臆斷也乃今得明杜方伯宗膺遺子書言之詳矣其書云宋英宗治平王氏移居靈泉山外

有馮觀者王戚也賃莊宅於王今馮家澥是也觀生商
商生式式生京馮三世巨富多更事變去之永豐驛得
唐相牛僧孺故址而居之後又徙於金溪鄉馮之祖基
爲杜氏所買今王氏所居卽杜氏之遺愛也宋司徒馮
公之故居也杜與皆江夏王道宗後而馮爲王戚此其
實錄矣邑之夾山里今猶有馮子澥馮家莊之稱崧嶽
淵源奚昧所自乃邵氏見聞錄至謂商卽式而舊通志
因之何其反與且名賢里居爭附桑梓而究非僑寓之
可失本原鄂州江夏之稱其見之東都事畧者可按也

江夏縣志

卷之十五

雜辯

三

雖其後不常厥居而篤生之地據此益未可他假矣

李邕唐書李邕相也表表江夏李氏後漢會稽太守高陽侯從居江夏至十三世孫李邕唐書李邕相也表表江夏李氏後漢會稽太守高陽侯從居江夏至十三世孫李邕唐史志之江都何也曹憲傳稱江夏李善而

杜少陵詩亦顯有哀秘書監江夏李邕之目舊志傳修

靜寺爲北海故宅李太白題寺詩有我家北海語其明

驗矣邕子暄避難靈泉山下後爲中書舍人暄子廓以

孝聞肅宗顏其堂曰蓼莪至礮爲相棹楔有歷代公卿

之賜詳具靈泉志中善邕暄廓四世之墓皆在九峯山

靈泉自唐迄明子孫代有傳人今後裔猶在永豐里其

始終江夏者章章如是江都卽或僑居史安得志之

仙釋

唐

羅公遠鄂州人元宗好仙術開元中秋夜公遠導爲月宮之遊以學隱形術不盡其傳怒欲斬之遯去後數歲元宗使輔仙玉使蜀見公遠於黑水道中曳杖徐行仙玉策馬不能及呼曰大師雲水適意豈不念內殿相識耶公遠還顧與玉據石而坐因出書一緘並蜀當歸以寄及元宗西幸始悟其寄意云

善信南昌王氏子受度於本州開元寺僧清照而契心

印于馬祖道一北遊五臺感妙德現瑞相發願爲衆僧執爨三年僧力卻之信涕淚雪泣不已有老父告之曰汝緣在南方衆不汝容盍行矣乎逢隨卽止遇洪卽住信遂挈錫南還以寶歷二年抵隨州覩一山巍然問於逆旅主人曰此爲何山荅曰大洪山信惕然思老父語則延緣而入至於山麓諸水所委瀝爲重湖神龍居焉旱乾水溢有禱輒應時久不雨鄉人張武陵具羊豕將以致禱信見而悲之謂武陵曰雨晴不時本由業感害生自利徒增汝罪可且勿殺吾爲汝祈約以三日必雨

武陵聽之信探幽履險得山之北崖泊然晏坐運誠默
禱及期雷雨大作雨旣霑足武陵訪求於崖中時信猶
在定蛛絲羃面附耳而號挫體而告久之方覺武陵遂
施此山爲建精舍大和元年五月二十九日信密語於
龍神曰吾前許以身代牲輟汝血食今捨身餉汝汝可
享吾肉卽引刀斷左右足白液旁流滅雙足留鎮山門
肉色久而不變四衆哀慕稱之曰佛足有司以聞朝賜
號慈忍大師額院幽濟後以祈禱有奇驗累加寺號曰
靈濟宋末隨數被兵洪山又當其要害爲南北必爭之

地邊境之民旣多流散叢林之下亦無以安其居京湖
制置使孟珙隨人也與都統張順謀遷其衆適於樂郊
乃度地於鄂州之山自隨州捧佛足及累朝所被誥勅
徙寺額僑置焉元始祖在潛邸帥師南伐駐蹕於鄂遙
見山頂有神人立於雲端詢知爲大師化迹所寓深加
敬異暨班師實函佛足扈從至京師特命安置於密宇
而嚴奉之旣正位有旨遣使護送還山道出許州佛足
重莫能舉使者歸奏詔卽其地建寺

節錄元黃潛碑記

劉本德初爲商於江湖乾符中大饑出米數萬石賑之

黃巢亂避地五老峯下有鹿裘道人來訪把臂入深澗
忽一老人邀入山院至則丹碧輝煥老人曰此洞天也
以汝行善故得至此語畢不見道人曰爾籍名仙籙矣
遂揖別後本德遍遊名山竟仙去

劉元靖遊名山入南岳峯鑿石穴以居絕粒煉氣唐敬
宗召入思政殿武宗復召入禁中賜號廣成後仙去惟
杖履在焉

曉然唐進士李洞爲長沙太守初建嶽麓書院者也居
靈泉山以兄暄夢神告之曰此大福地也女不可居居

江夏縣志

卷之十五

仙釋

美

必有奇禍乃請捨宅爲寺遂爲靈泉寺開山祖久之有
省曰我將去俟一奇形怪狀者至吾徒也無何百崑來
果然卽授衣鉢辭去後數年里人有過天台山者道遇
之寓書百崑揖別里人反顧則身在雲表矣後百崑亦
證道

無念應山孟昉陳氏子父名必貴九歲禮寶林寺無極
爲師又往叅荊州無聞和尚豁然有悟洪武中楚昭王
迎卽至洪山遷九峯奏聞召見賜以詩及雜綵納衣金
鉢盂淨瓶各一又賜光祿果饌遣中官護送還山又遣

中官齋桐實松花御製詩文二軸賜歸武昌詩二首懷
僧無念詩一首見御文集中永樂初仙遊年八十塔在
九峯

劉邈過天門人遊於鄂初擔生涯遇異人授以秘旨遂
佯狂拾糞穢間物食之又集破布敝屨以爲衣故人以
邈過呼之寓鳳凰山五顯廟食其神前燭殆盡僧嘆之
乃出臥山上值大雪覆壓二三尺僧恐斃持鋤掀而出
之正酣睡也與人語多中其隱諸生有問遺才試題者
大罵曰一部四書從頭至尾都是題及試果大學之道

江夏縣志

卷之十五

仙釋

七

然而無有乎爾二句萬歷己酉有王生名時化者問今
科解元應聲曰蓋有之矣我未之見也及入場首題卽
此二句而士果領解夏圍爐冬茹雪食生雞鴨等物曰
此天池玉藕嚼而彌甘屬纊之際發三昧火自化其軀
鼻孔玉柱雙垂五顯廟卽今靈瑞宮內有金像

心如黃安人苦修頓悟楚藩迎主修靜寺後端坐而化
鼻端玉柱雙垂

天如住修靜寺言未來事多中常受一宰官舟資數兩
渡江則與舟子或曰何多也師曰彼云舟資我今不到

岸乎又某施一衲值十五金遇寒乞卽以衣之獻賊破
省之前師指城東門謂人曰此竈竇也又曰城內皆圈
猪耳張屠李屠至矣每五更沿街叫呼謝檀越佈施大
難到盍早爲計人狃於故常癸未元旦忽去不見六月
闔省及於難

白雲山人雲遊道人也寓靈泉寺與冢宰張鶴山契一
日謂之曰此間住脚不我去君卽來明日訪之道人往
矣未幾鶴山卒今寺壁鐫有詩云地幽人到少來訪老
僧家野烟籠貝樹梵境護曇花獻佛談禪語翻經念法

江夏縣志

卷之十五

仙釋

五

華陟彼嵬巍處山光入望賒後署白雲山人字天矯亦
翩然欲仙

國朝

如素住金沙洲淨熒菴著法華楞嚴經解注金剛合刻
戒榮叅天童宏覺忝國師忝奉

世祖章皇帝詔入京榮隨之對萬善殿稱

旨賜紫金鉢盂後至楚建道場名南溪向上一日謂徒曰吾年
五十六萬事皆具足翻身北斗藏山青與水綠擲筆而
逝

海源結茆賓陽門內紫竹林苦修數十年一日危坐門
首見左右舉手曰承衆居士護持我世緣將盡不久住
人間衆以爲戲言少頃入內閉門端坐環以薪合掌自
焚衆見內烟起穴壁入覩源下體已焚尚開目顧衆點
首念佛

祥異

帝堯時天下和景星出翼軫

周孝王十三年江漢水

漢後帝七年

吳黃龍元年

夏口言黃龍見夏四月夏口言鳳

凰見十年冬

十年冬十月有星孛於翼

延熙十一年秋七月彗星見翼進軫

晉武帝咸定二年八月有星孛於太微至翼

太康二年六月牛犬作人言

江夏縣志

卷之十五

祥異

三

惠帝太安中牛犬作人言

元帝大興三年四月枉矢出虛危沒翼軫

宋孝武帝大明八年江夏王世子伯禽獻白鹿

明帝泰始十年獲元璧圓徑八寸安西將軍蔡興宗以

獻

齊武帝永明元年丁坡屯獲白鶴

廢帝三年梁武帝起兵攻郢經年疫死大半積屍盈牀

梁元帝承聖二年江夏宮南門籥牡飛

陳後主禎明二年秋七月江水色赤亦如血

唐元宗開元十八年六月鄂州奏景星見

代宗廣德九年九月十二月夜火焚舟三千艘延及岸上民舍二千餘家死者數千人

德宗貞元八年鄂州獻白鹿

順宗永貞元年秋旱

穆宗長慶元年春正月有星孛於翼

文宗太和夏大水

宋真宗天禧元年天慶觀芝草生

仁宗景佑元年八月有星孛於張翼

江夏縣志

卷之十五

祥異

三

高宗紹興三十年八月朔日食於翼

孝宗乾道五年八月朔日食於翼

十五年大水漂軍壘民舍三千餘區

淳熙四年十一月南市暴風通夕燔千餘家

六年十一月大風覆舟溺水甚衆

九年大旱

十二年冬十月火燔萬餘家江風暴作結廬於隄泊艦於岸者焚溺無遺

十五年夏五月大水流民室三千餘家

八月朔日食於翼

光宗紹熙三年十二月火燔民居八百家

寧宗開禧四年八月南市火

嘉定四年八月火燔五百餘家

十六年大風壞戰艦三百餘

五月湖北霖雨江湖合漲城市沈沒累月不洩

十七年鄂州暴風壞戰艦三百餘

元順宗元統二年自三月不雨至秋八月

至正十二年雨粉滅民家門戶柱壁之間有粉痕如鍼

江文縣志

卷之十五

祥異

三

樣無數 冬雨黑雪

明宣宗宣德九年大水

英宗正統十一年秋七月火燔公署民居無算

憲宗成化二十三年大旱人相食

孝宗宏治元年大旱

六年九月雪至明年正月每夜震雷雨雪

十一年自冬十月至明年春不雨城中火頻發延燒數

百家後有烏喙火鼓翼煙焰勃起民皆警備

四年大旱 七月地震生白毛

十一年霖雨水溢山崩決隄害稼壞城垣百餘丈湖鼠青蟲生食稼

十二年大水 八月饑是年地大震

十三年大水冬江漢冰合

十四年大旱

世宗嘉靖二年大旱殍流無算

九年大水民舍田禾漂沒殆盡

二十三年鴟集端禮門

二十四年春正月十八日楚英耀弑其父顯裕

江夏縣志

卷之十五

祥異

三

三十二年大旱譙樓儀門災村市民舍火頻發

三十七年秋七月異風拔木摧屋江湖被溺者無算

三十九年秋七月大水

四十五年水漲入城

穆宗隆慶五年大水異鼠害稼

神宗萬曆三年地震有聲是年楚府後殿震災

二十年大旱湖水盡涸

三十二年地震凡三晝夜

三十三年火焚都察院公署前後俱盡

三十四年火焚民居數千餘家

三十六年大水金沙洲暨城外沿江民居盡沒城內編橋而渡無年

三十七年火焚望山門延燒洲上千餘家

四十年大水

萬歷末天獄星見武昌囚曾星曜盜殺理刑孫有祿於黃鶴樓

熹宗天啟元年楚藩承運殿災時大雷雨

二年大水

江夏縣志

卷之十五

祥異

七

四年春淫雨無麥苗

懷宗崇禎元年夏大水秋大旱

六年地震江湧如沸

八年寶通塔霞光如火樹是年賀逢聖入相

九年大水鼠化爲魚冬十月賊張獻忠寇漢陽境附郭民婦入城

十二年三月金沙洲火烈風雷雨軍門牙旗竿折

十三年夏四月飛蝗蔽天

十四年晝晦如暮巳午不見人是年秋大疫死者山積

十五年秋七月夕洪山棲鳥驚噪飛而復匝者三及曉
巢盡折

十六年夏五月晦大雨霜有龍墜於地先時漢陽門有
哭聲獻送陷省城

十七年大旱

國朝順治二年大水

五年秋淫雨禾苗生耳

八年火藥局災楚廢宮磚石噴激如雨觸者死傷無算
延燒民舍千餘家

江夏縣志

卷之十五

祥異

七

九年春正月朔雨雪歷夏徂秋不雨江水涸湖渚陸行
十年春雨霽

十五年冬十月隕霜成冰

十六年大水

十七年大水

康熙元年大雨雹

二年秋大水三月不洩

三年三月十七日黃鶴樓及譙樓災城幾赭死傷甚衆
七年虎入金沙洲

二十六年金口鎮夜聞兵馬聲

二十七年夏五月白虹貫日夏逆變冬十月火延燒城內外數千家死傷甚衆

三十二年慶雲見

二十四年三月雨冰雹大如蠶豆中有黑米

三十五年七月望九日火藥局災武庫兵戈飛舞于市觸磚石死者無算是秋大水

三十七年二月縣學聖殿災火自柱內出是年漢陽門外陷一區

江夏縣志

卷之十五

祥異

三

三十八年秋鄉試飲鹿鳴宴 鶴繞紫微堂

三十九年二月二十九日黎明墨氣橫空自東至西狀欲墜移時乃散九月中旬東南白氣如練直指西北六七日始滅

四十年晝見

四十一年熒惑星明前所營民居火自柱中出

四十二年宏濟橋圯斃七人 黑子盪日

四十三年夏五月旱蟲食禾

四十四年夏大水

四十七年歲歉民多流離郡守楊懋紹詳請制撫司道
捐銀五萬兩買米減糶全活甚衆

四十八年正月十六夜震雷雨如注東嶽廟正殿火災
達日始滅

五十三年十二月二日燥熱礎潤是夜大雷雷雨大冰
大雪浹旬

五十四年六月大水江夏縣學水及戟門兩月不洩冬
大雪

五十五年夏大水

江夏縣志

卷之十五

祥異

三

康熙五十七年大旱

雍正五年大疫夏大水城內外皆成巨浸

雍正六年大疫

十三年大旱

乾隆七年大水

十一年

詔蠲其賦三年輪免一週

二十一年饑穀米騰貴

二十六年饑

詔賑

二十九年大水

三十一年

詔蠲漕米三年輪免一週

三十二年大水

三十四年大水城中非船不行

詔賑

三十五年

詔蠲其賦

江夏縣志

卷之三

祥異

三

四十三年大旱又蝗斗米六七錢不等

詔賑

四十四年

詔蠲其賦三年一週

五十年大旱斗米六七錢不等

詔賑

五十三年大水學宮水深二丈兩月不退貢院不能鄉
試改於武勝門馬號內以襄鄖道為監臨百貨俱由忠
孝門進

本朝未有之水也

四十八年

詔蠲漕米三年一週

五十七年

詔蠲田賦三年一週

皇朝系三

卷之二十一

祥異

四

